

**Ilanngussaq 2, AIS 2022-p pingajussaaneerseqarnissaanut atatillugu oqaasertaliussanut aamma oqaasertaliussanut nassuiaatinut allannguutissatut siunnersuutit.**

**Naalackersuisut Siulittaasuat – Suliassa qarfik 10**

**Nr. 158.**

**Kontumut pingaarnermut, 10.13.11 Aktiaateqarluni ingerlatseqatigiiffinnut aningaasanngorlugit aningaasartuutit**

Oqaasertaliussat uku ilanngunniarneqarput:

**”Nr. 2.**

Nuummi Ilulissanilu nunanit tamalaanit mittarfiit sananeqarnissaanut kiisalu Qaqortumi nunap immikkoortuani mittarfimmik tamakkiisumik nammineq aningaasaliinissamut 2,5 mia. koruunit tikillugit aningaasanik aktiatigut aningaasaliinissamut aamma akisussaaffeqarluni taarsigassarsianut aningaasaliinissamut Kalaallit Airports Holding A/S-ip qulakkeernissaanut Naalackersuisut piginnaatinneqarput. Aningaasaatinik qaffaaneq pappiaqqat nalillit akianut 100-mut imaluunniit Naalackersuisut qaffasinnerusumik aalajangigaanut akiliisoqarsinnaavoq. Aningaasanik aktiatigut aningaasaliinissamut aamma akisussaaffeqarluni taarsigassarsianut Namminersorlutik Oqartussat 2,5 mia. koruunit tikillugit aningaasaliinissamut Kalaallit Airports Holding A/S-imi aningaasaliiniartut avataani taarsigassarsisitsisartunut unioqqutinneqartussaangitsumik Naalackersuisut nalunaaruteqarsinnaapput.

**Kontumut pingaarnermut, 10.13.11-mut Aktiaateqarluni ingerlatseqatigiiffinnut aningaasanngorlugit aningaasartuutit nassuiaatit**

Oqaasertaliussanut nassuiaatit tullinnguuttut ilanngunniarneqarput:

**”Nr. 2.**

Oqaasertaliussap Kalaallit Airports Holding A/S-mi 2,5 mia. koruunit tikillugit aningaasaliissuteqarnissamut Naalackersuisut periarfissippai. Aningaasaatit qaffaaffiginerisigut aningaasaliisoqartarpoq. Ukioq 2020-p naalernerani piffissami 2016-2020-imi ingerlatseqatigiiffimmi katillugit 1.472.739.000 kr.-t aningaasaliissutigineqarput, taakkua ilaat aktiatigut aningaasaliissutit 1.378.439.000 koruuniupput akisussaaffeqarlunilu taarsigassarsianut aningaasaliissutit 94.300.000 koruuniullutik. Ukioq 2021-imi novembarimi 252.000.000 koruuninik aningaasaleeqqinnissaq naatsorsuutigineqarpoq, taava kingornatigut 2021-p naalernerani Kalaallit Airports Holding A/S-imi aningaasaliissutit katillutik 1.724.739.000 koruuniussapput.

Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. 4, 22. november 2018-imeersumi § 5.

## Ilanngussaq 2, oqaasertaliussat kiisalu oqaasertaliussanut nassuiaatit

Imm. 1 aamma 2-mi aalajangersagaq oqaasertaliussap allanngortippaa, Kalaallit Nunaanni Namminersorlutik Oqartussat Kalaallit Airports Holding A/S-mi aningaasaliissuteqarnissaanut periarfissaq 2,1 mia. koruuninut killeqarpoq.

Oqaasertaliussaq nutaajuvoq.”

### Aningaasaqarnermut Nunamullu Namminermut Naalakkersuisoq - Suliassaqarfik 20 – 24

Nr. 159.

#### Kontumut pingaarnermut, 20.01.09 FN-ip Nunarsuarmi Anguniagaanut malitseqartitsineq

Oqaasertaliussat uku ilanngunniarneqarput:

"Naalakkersuisut kontumi pingaarnermi matumani atuinikinnerussutinik ukiumut aningaasanut inatsiseqarfiusumut tullermut nuussinissamut piginnaatinneqarput.”

#### Kontumut pingaarnermut, 20.01.09 FN-ip Nunarsuarmi Anguniagaanut malitseqartitsineq, nassuiaatit

Oqaasertaliussanut nassuiaatit uku ilanngunniarneqarput:

"Aningaasaliissutit naapertuuttumik atorneqarnissaat qularnaarniarlugu Naalakkersuisut aningaasanik ukiumut aningaasanut inatsiseqarfiusumut tullermut nuussinissamut tunngavissaqarnissaat oqaasertaliussatigut qularnaarneqarpoq.

Kontumi pingaarnermi matumani 1,0 mio. kr.-t atugassanngortinneqarnerannut atatillugu oqaasertaliussat ilanngunneqarput, aningaasat FN-ip Nunarsuarmi Anguniagaanut malitseqartitsinermik sulinermit atorneqassallutik. Oqaasertaliussatigut suliassamut tassunga aningaasat atorneqartussat ukiumut aningaasanut inatsiseqarfiusumut tullermut nuunneqarsinnaapput. Aningaasat siunertamut atugassanngortinneqartut tassaapput AIS2022-mi kontumi pingaarnermi, 20.11.70 Suliniutinut nutaanut sillimmatit, 2022-2023-mi ukiumut 1,0 mio. kr.-iusut Nunarsuarmi anguniakkanut sillimmatinut tunngassutillit. AI2021-mi siunertamut 1,0 mio. kr.-t immikkoortinneqarsimapput, taakkulu 2021-mi ilassutitut aningaasaliissuteqarnikkut atugassanngortinniarnearput.

Oqaasertaliussaq nutaajuvoq.”

## Ilanngussaq 2, oqaasertaliussat kiisalu oqaasertaliussanut nassuiaatit

Nr. 160.

### Siunertamut kontomut, 24.10 Toqqaannartumik akileraarutit

Oqaasertaliussat uku ilakkusunneqarput:

”Nr. 7.

Soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaat malillugu ileqqaartussaataaneq pisussaaffiit, ukiumut isertitaqarfiusumut 2018-mut, 2019-mut 2020-mullu tunngasut, eqquutsinneqarsimangitsut ulloq 1. januar 2022-mi atorunnaasapput.

Akileraartarnermut Aqutsisoqarfik tamatuma malittaaniq piginnaatinneqarpoq akiliutigitinneqarsimasut utertinnissaannut, aningaasat ukiumut isertitaqarfiusumut 2018-mut, 2019-mut 2020-mullu akiliutigineqartussat Akileraartarnermut Aqutsisoqarfimmi isertitassatut naatsorsuutigineqartut, utertinnissaannut. Akiliuteqarneq tamatuma kingorna pissaq akileraaruserinermik ingerlatsineq pillugu Inatsisartut inatsisaanni § 25 malillugu. Akiliuteqarneq taamaattoq aatsaat pisinnaavoq innuttaasumiit inatsimmi § 15 naapertorlugu akiliutaareersimasut akileraarutitigut akiliuteqarpallaarsimasut utertinneqarnissaannik kissaateqarnerata kingorna.”

### Siunertamut kontomut, 24.10 Toqqaannartumik akileraarutit pillugu oqaaseqaatit

Uku oqaaseqaatit oqaasertaliussanut ilanngunneqarnissaat qinnutigineqarpoq:

”Nr. 7.

Oqaasertaliussaq aningaasanut inatsisissamut isumaqatigiinniarnernut atatillugu suliarineqarpoq. Oqaasertaliussap piginnaatippaa 2022-mi immikkut ittumik soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaat malillugu ukiumi isertitaqarfiusumi 2018-mi, 2019-mi 2020-milu akiliuteqartussaataaneq pisussaaffiit atorunnaarsinneqarnissaat. Ilanngullugu Akileraartarnermut Aqutsisoqarfik piginnaatinneqarpoq 2018-mut, 2019-mut 2020-mullu atatillugu soraarnerussutisiaqalernissamut aqqissuussinermut peqataasussaataaneq malillugu akiliutigitinneqarsimasut, suli Akileraartarnermut Aqutsisoqarfimmiit soraarnerussutisiaqalernissamut aqqissuussinermut akiliutigineqarsimangitsut, akilernissaannut.

Oqaasertaliussaq immikkut ittumik ukiumi ataatsimi aaqqiineruvoq, taannalu 2022-mut ataasiarluni piginnaatitsissummik imaqluni.

”Akiliuteqartussaaneq pisussaaffiup eqquutsissimanginneranut” oqarnermi pineqarpoq soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaanni § 3 aamma § 7 naapertorlugu ileqqaartussaataaneq pisussaaffiit, taakku ukiumi isertitaqarfiusumi naatsorsorneqarsimasut aammalu ulloq 1. januar 2022-mi suli eqquutsinneqarsimangitsut, soorlu assersuutigalugu innuttaasoq soraarnerussutisiaqalernissamut aqqissuussinermut peqataasussaataaneq akiliuteqarsimangippat, imaluunniit Akileraartarnermut Aqutsisoqarfik akiligassii-

## Ilanngussaq 2, oqaasertaliussat kiisalu oqaasertaliussanut nassuiaatit

simappat, kisiannili taanna soraarnerussutisiaqalernissamut aaqqissuussinermut peqataasussaataitaneq pillugu Inatsisartut inatsisaanni § 7 naapertorlugu sulii aaqqissuussinermut akiliisimangippat. Aalajangersakkami siunertaavoq inuk, ukiuni siuliiniit soraarnerussutisiaqalernissamut aaqqissuussinermut peqataasussaataitanermut akiliuteqarsimannginnini peqqutigalugu, annertuallaamik kinguaattuunnginissaa anguniarlugu.

Inuit arlaqartut Akileraartarnermut Aqutsisoqarfimmi akiliuteqarnikuupput, taakku akileraartarnermut uppersaat qaffasinnerusumik akileraartussaataitanermik imaqartoq aallaavigalugu akilersineqarnikuullutik. Taakku aningaasat immikkut nalunaarsorneqarnikuupput ataasiakkaat aningaasanut piginnittut soraarnerussutisiaqalernissamut aaqqissuussinermut inatsisit malillugit akiliutigisimasaat. Oqaasertaliussap piginnaatippaa Akileraartarnermut Aqutsisoqarfiup aningaasat taakku, uninngasuutigineqartut, innuttaasunut ataasiakkaanut akiliutiginnissaannut. Oqaasertaliussami matumani siunertarineqarpoq piginnaatitsissalluni, Akileraartarnermut Aqutsisoqarfiup 2021-mi pineqartumut, aningaasat soraarnerussutisiaqalernissamut aaqqissuussinermut peqataasussaataitaneq pillugu inatsimmi § 7, imm. 6-p imarisap apeqqutaatinnagit soraarnerussutisiaqalernissamut aaqqissuussinermut aningaasat nuunnagit, akililutiginnissaannut.

Aningaasat akiligassiissutigineqarsimasut 2022-mi aallarniutigalugu akiliutigineqassapput 2021-mut isertitat naatsorsorneranni akileraarutit akiliutigivallaarneqarsimasut akiliutigineqarnissaat pillugu malittarisassat naapertorlugit, takuuk akileraaruserinermik ingerlatsineq pillugu Inatsisartut inatsisaanni § 25. Taamaattoq innutaasut ataasiakkaat Akileraartarnermut Aqutsisoqarfimmut piumasagarnerisa kingorna aningaasat akiliutiginnissaat piumasarisinnaavaat akileraarutaagallarsimasut akiliutigivallaakkat akiliutiginnissaat pillugu malittarisassat naapertorlugit, takuuk § 15 inatsimmi siuliani taaneqartumi.

Naatsorsuutigineqartariaqarpoq oqaasertaliussap kingunerissagaa ukiumut pineqartumut kiisalu 2022-mut tunngatillugu soraarninngornissamut akiliutit appariaateqarnerat. Tamanna inuiaqatigiit aningaasaqarneranni attassisinnaanermut ajornartorsiutaasunik annertunerulersitsissaaq aammalu siunissami utoqqanngorumaartussat akornanni naliginnginnerulernermik kinguneqarsinnaalluni.

Oqaasertaliussap matuma ilusilersorneranut nukingiuussisoqarnera peqqutigalugu, imaassinnaavoq oqaasertaliussamut uunga tapiliussisoqarnissaa pisariaqalersoq, taannalu 2022-p ingerlanerani oqaasertaliussanut ilassuteqarnikkut pisinnaavoq.

Oqaasertaliussaq nutaajuvoq.”

## Ilanngussaq 2, oqaasertaliussat kiisalu oqaasertaliussanut nassuiaatit

Nr. 161.

### Siunertamut kontomut 24.10 Toqqaannartumik akileraarutinut

Oqaasertaliussaq una ilanngukkusunneqarpoq:

”Nr. 8.

Ulloq 1. januar 2022 aallarnerfigalugu soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaanni nr. 21, 28. november 2016-imeersumi § 7, imm. 2-mi, taannalu soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaanni nr. 18, 30. november 2020-imeersumi kingullermik allanngortinneqartumi, aningaasat minnerpaaffissaat 4.000 kr.-inut annertussusilerneqarpoq.

Soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaanni § 3, imm. 1 aamma 2-mi ileqqaarnissamut tunngaviusut 175.000 kr.-inut aalajangiunneqarput. Ilanngullugu inatsimmi tassani § 3, imm. 3 aamma imm. 4 malillugu ulloq 1. januar 2022-miit makku aalajangiunneqarput:

- Inatsimmi § 3, imm. 1 malillugu akigitat uku 0 procentimiit qaffakkiartortillugit aalajangerneqarput inunnut 125.000 kr.-inik ileqqaarnissamut tunngavigisaqartumiit 100 procentimut inunnut 175.000 kr.-inik ileqqaarnissamut tunngavigisaqartunut.
- Inatsimmi § 3, imm. 2 malillugu akigitat uku 0 procentimiit qaffakkiartortillugit aalajangerneqarput inunnut 125.000 kr.-inik ileqqaarnissamut tunngavigisaqartumiit 100 procentimut inunnut namminersorluni inuussutissarsiateqartut sinneqartoortaat 175.000 kr.-inik ileqqaarnissamut tunngavigisaqartunut.”

### Siunertamut kontomut 24.10 Toqqaannartumik akileraarutinut oqaaseqaatit

Oqaasertaliussanut oqaaseqaatit uku ilakkusunneqarput:

”Nr. 8.

Soraarnerussutisiaqalernissamut aqqissuussinermut peqataasussaatitaaneq pillugu Inatsisartut inatsisaat malillugu Akileraartarnermut Aqutsisoqarfik soraarnerussutisiaqalernissamut akiliutinut amigaatigineqartunut, ukiumi pineqartumi akiliuteqarnissamut pisussaaffiusup aammalu soraarnerussutisiaqalernissamut aqqissuussinermut akiliutigineqarsimasut 2.000 kr.-it sinnersimappagit, taakku nikingassutaannik akiligassiisinnaavoq. Akiliuteqarnissamut minnerpaaffiusoq tassani pineqartoq, Inatsisartut inatsisaanni nr. 18, 30. november 2020-imeersumi ilanngunneqarpoq.

Oqaasertaliussami siunertaavoq killissarititaasup 4.000 kr.-inut qaffanneqarnissaa anguniarlugu inuit ikinnerusut akiliuteqarnissamut pisussaaffimmik eqquutsitsisimanngitsut akileraartarnermut uppernarsaat atorlugu qaffasinnerusumik akileraartussanngortinneqarsimasut ikinnerpaajunissaat anguniarlugu.

Oqaasertaliussap kingunerissavaa § 3, imm. 1-mi imm. 2-milu aningaasartat 150.000-niit 175.000 kr.-inut allanngortinneqarnissaat. Tamatuma malitsigisaanik § 3, imm. 3 aamma imm. 4-mi aningaa-



## Ilanngussaq 2, oqaasertaliussat kiisalu oqaasertaliussanut nassuiaatit

sartat 100.000 aamma 150.000 ukkununga allanngortinneqassapput 125.000 aamma 175.000-nut. Tassa imaappoq ileqqaartussaataitanermut tunngaviusut 0 procentimiit inunnut 125.000 kr.-inik ileqqaarnissamut tunngavigisartumiit 100 procentimut inunnut 175.000 kr.-inik ileqqaarnissamut tunngavigisaqartunut.

Naatsorsuutigineqartariaqarpoq oqaasertaliussap kingunerissagaa ukiumut pineqartumut kiisalu 2022-mut tunngatillugu soraarninngornissamut akiliutit appariaateqarnerat. Tamanna inuiaqatigiit aningaasaqarneranni attassisinnaanermut ajornartorsiutaasunik annertunerulersitsissaaq aammalu siunissami utoqqanngorumaartussat akornanni naliginnginnerulernermik kinguneqarsinnaalluni.

Oqaasertaliussaq nutaajuvoq.”

**Nr. 162.**

### **Siunertamut kontomut 24.10 Toqqaannartumik akileraarutinut**

Oqaasertaliussaq imaattoq ilakkusunneqarpoq:

”Nr. 9.

Akileraartarnermut Aqutsisoqarfik piginnaatinneqarpoq innuttaasup angerlarsimaffigisaani kommunimiit inassuteqartoqarnerata kingorna, soraarnerussutisiaqalernissamut aaqquissuussinermut peqataasussaatitaaneq pillugu Inatsisartut inatsisaat malillugu akiliuteqarnissamut pisussaaffimmik eqquutsitsisimangitsunut piumasaqaatit apparnissaannut imaluunniit atorunnaarsinnissaannut, tassani nalilerneqarpat innuttaasup ukiut sisamat ingerlaneranni akiliuteqarnissamut pisussaaffimminik eqquutsitsisinnaaneranut periarfissaqanngitsoq, tamannalu peqquteqarpat innuttaasoq timikkut imaluunniit tarnikkut sakkortuumik nappaateqarpat.”

### **Siunertamut kontomut 24.10 Toqqaannartumik akileraarutinut oqaaseqaatit**

Oqaaseqaatit uku oqaasertaliussanut ilanngunneqarnissaat qinnutigineqarpoq:

”Nr. 9.

Oqaasertaliussap Akileraartarnermut Aqutsisoqarfik piginnaatitaa kommunimit angerlarsimaffigisamiit inassuteqartoqarnerata kingorna akiliuteqarnissamut pisussaaffiup eqquutsinneqarsimanngitsup appartinnissaannut imaluunniit pisussaaffiup taassuma atorunnaarsinnissaannut. Oqaasertaliussap kingorna Akileraartarnermut Aqutsisoqarfik taamaasilluni, innuttaasumut taamatut akiligassineq kinguneqartussaannngitsutut isikkoqarpat, taava akiligassat akilersornissaannut pisussaaffimmik atorunnaarsitsisinnaavoq. Tassunga piumasaqaataavoq innuttaasup ukiut sisamat iluanni akiliuteqarnissamut pisussaaffimmik eqquutsitsisinnaannginneranut takussutissaqanngimmat. Killiliussaq aalajangersarneqarpoq soraarnerussutisiaqalernissamut aaqquissuussinermut peqataasussaatitaaneq pillugu Inatsisartut inatsisaat malillugu Akileraartarnermut Aqutsisoqarfik pisussaaffinnik ukiut sisamat sinnerlugit pisoqaassusilinnik akiligassiissuteqarsinnaanngimmat. Ilanngullugu aamma piumasaqaataavoq akiliuteqarsinnaannginnermut peqquteqassammat, innuttaasoq timikkut imaluunniit

## Ilanngussaq 2, oqaasertaliussat kiisalu oqaasertaliussanut nassuiaatit

tarnikkut sakkortuumik nappaateqassammat. Innuttaasup angerlarsimaffiani kommuni nappaatip qanoq ittuuneranik uppersarsaasussaavoq.

Oqaasertaliussaq nutaajuvoq.”

**Nr. 163.**

### Konto pingaarnermut 24.11.10 Nioqqutissanik eqqussuineranut akitsuutinut

Oqaasertaliussaq imaattoq ilakkusunneqarpoq:

”Nr. 3.

Nioqqutissanik eqqussuineranut akitsuutit pillugit Inatsisartut inatsisaat nr. 19, 30. oktober 1992-imeersoq naapertorlugu nioqqutissat § 1, imm. 1 nr. 11-12 kiisalu § 1, imm. 1, nr. 16 aamma nr. 17 litra f-miittut kiilumut 0 kr.-lerput ulloq 1. januar 2023 tikillugu.

Nioqqutissat Grønlandshavnen Aalborgip talittarfianiittoq aqqutigalugu eqqussorneqartut pinnagit, nioqqutissat Danmarkimi talittarfimmiit eqqunneqarsimasut, akitsuusiisarfimmut eqqunneqarsimasut, nioqqutissat umiarsuup iluanut eqqunneqarsimasut, Kalaallit Nunaannut nassiussat pineqarput.”

### Konto pingaarneq 24.11.10 Nioqqutissanik eqqussuineranut akitsuutinut oqaaseqaatit

Oqaasertaliussamut oqaaseqaatit imaattut ilakkusunneqarput:

”Nr. 3.

Oqaasertaliussaq ukiumi ataatsimi akitsuusiinnginnissamik imaqarpoq. Oqaasertaliussaq tunuliaqu-taqarpoq 2022-mut aningaasanut inatsimmut isumaqatigiisummik, tassani partiit tunuliaquutaasut kissaatigaat innuttaasut inuuniarnermi atugarisaasa pitsanngorsarnissaat.

Naatsorsuutigineqarpoq nioqqutissanik eqqussuineranut akitsuutit pillugit Inatsisartut inatsisaata allanngortinneqarnissaa pillugu inatsisissatut siunnersuummik Inatsisartut 2022-mi ukiakkut ataatsimiin-neranni saqqummiussisoqarnissaa. Oqaasertaliussaq manna AI2022-mut ilangukkusunneqarpoq qulakkeerniarlugu kaffit assigisaalu, tiit assigisaalu, timmissat aammalu timmianik nioqqutissat pia-reersariikkat imaluunniit asiutsaaliukkat eqqussorneranni akitsuutit atorunnaarsikkallarnissaannik piginnaatitsinissaq inatsisip allannguutaata akuersissutigineqarnissaata tungaanut.

Oqaasertaliussami aamma erseqqissarneqarpoq qaqugukkat nioqqutissaq akitsuusiuffiusumut eqqun-neqarnerisooq. Akitsuutit naatsorsorneqassapput, ulloq taanna nioqqutissap akitsuusiuffiusumut eqqun-neqarnera aallaavigalugu.

Oqaasertaliussaq nutaajuvoq.”

## Ilanngussaq 2, oqaasertaliussat kiisalu oqaasertaliussanut nassuiaatit

**Nr. 164.**

### Konto pingaarnermut 24.11.25 Qaleralinnut akitsuummumut

Oqaasertaliussat uku ilanngukkusunneqarput:

”Ulloq 1. januar 2022 aallarnerfigalugu qaleralinnik, sinerissap qanittuani aalisarneqartunik, tulaas-sinermut atatillugu akitsuut kiilumut 0 kr.-iulissaaq aammalu akiusup 0 procenterilissallugu, takuuk § 5, imm. 2 aamma § 7, imm. 4 Kalaallit Nunaanni aalisarnermi pisarineqartut isumalluutininik atuiner-mut akitsuutaat pillugu Inatsisartut inatsisaat nr. 46, 23. november 2017-imeersoq.”

### Konto pingaarnermut 24.11.25 Qaleralinnut akitsuummumut oqaaseqaatit

Oqaasertaliussanut oqaaseqaatit imaattut ilanngukkusunneqarput:

”Kalaallit Nunaanni aalisarnermi pisarineqartut isumalluutininik atuiner-mut akitsuutaat pillugit Inatsi-sartut inatsisaat Inatsisartut 2022-mi ukiakkut ataatsimiinneranni allanngortinniarlugu inatsisissatut siunnersuummik saqqummiussisoqarnissaa naatsorsuutigineqarpoq.

Matumani oqaasertaliussaq AI2022-mut ilanngukkusunneqarpoq sinerissap qanittuani qaleralinnik aalisarnermi akitsuutip atorunnaarsikkallarnissaanut piginnaatitsissummik peqarnissaa qulakkeerni-arlugu, aammalu isumalluutininik atuiner-mut akitsuutip inatsisitaata allanngortinneqarnerata akueri-neqarnissaata tungaanut atuukkallartussaq.

Oqaasertaliussaq nutaajuvoq.”

## Naalakkersuisut Siulittaasuat – Suliassaqarfik 27

**Nr. 165.**

### Kontumut pingaarnermut, 27.01.12 Siulittaasuutitaqarnerup nalaanni suliniutissat 2020-2022

Kontumut pingaarnermut oqartussaaffiup allanngortinneqarnerata kingunerisaanik oqaasertaliussat tullinnguuttut ilanngunniarneqarput:

"Naalakkersuisut kontumi pingaarnermi matumani atuinerussutinik atuinikinnerussutinilluunniit ukiumut aningaasanut inatsiseqarfiusumut tullermut nuussisinnaanissaminnut piginnaatinneqarput."

### Kontumut pingaarnermut, 27.01.12 Siulittaasuutitaqarnerup nalaanni suliniutissat 2020-2022, nassuiaatit

Oqaasertaliussanut nassuiaatit tullinnguuttut ilanngunniarneqarput:

"Aningaasaliissutit naapertuuttumik atorneqarnissaat qularnaarniarlugu Naalakkersuisut aningaasanik ukiumut aningaasanut inatsiseqarfiusumut tullermut nuussinissamut tunngavissaqarnissaat oqaasertaliussatigut qularnaarneqarpoq.



## Ilanngussaq 2, oqaasertaliussat kiisalu oqaasertaliussanut nassuiaatit

Oqaasertaliussaq AI2021-mit ingerlateqqitaavoq."

### Isumaginninnermut Sulisoqarnermullu Naalakkersuisoq – Suliassaqqarfik 31

Nr. 166.

#### Suliassaqqarfimmut 31-mut, Isumaginninnermut Sulisoqarnermullu Naalakkersuisoqqarfik

Suliassaqqarfimmut matumunnga oqaasertaliussaq nr. 3 tassungalu nassuiaatit peerniarneqarput. Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allanngortinneqarnerat pillugu Inatsisartut inatsisissaata akuerineqarnera tunngavigalugu allannguutissatut siunnersuut saqqummiunneqarpoq (UKA2021/121). Inatsisartut inatsisaata akuerineqarneratigut oqaasertaliussap imarisai inatsisitigut aalajangersarneqarput.

Nr. 167.

#### Kontumut pingaarnermut, 31.03.08 Utoqqalinermi pensionisiat

Kontumut pingaarnermut matumunnga oqaasertaliussat nr. 1-2 tassungalu nassuiaatit peerniarneqarput. Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allanngortinneqarnerat pillugu Inatsisartut inatsisissaata akuerineqarnera tunngavigalugu allannguutissatut siunnersuut saqqummiunneqarpoq (UKA2021/121). Inatsisartut inatsisaata akuerineqarneratigut oqaasertaliussat imarisaat inatsisitigut aalajangersarneqarput.

### Inuussutissarsiornermut Niuernermullu Naalakkersuisoq - Suliassaqqarfik 62-64

Nr. 168.

#### Kontumut pingaarnermut, 64.10.32 Takornariaqarnermik ineriartortitsineq inuussutissarsiutinillu siuarsaaneq

Kontumut pingaarnermut oqaasertaliussami nr. 1-imi oqaaseqatigiit tullinnguuttut ilanngunniarneqarput:

"Takornariaqarnerup inuussutissarsiutinillu siuarsarnissaannut suliniutinik immikkut ittunik, tassunga ilanngullugu najukkami suliniutinik pisariaqartitsisoqarpat, Aningaasaqarnermut Akileraartarnermullu Ataatsimiititaliamit akuerineqassapput."

#### Kontumut pingaarnermut, 64.10.32 Takornariaqarnermik ineriartortitsineq inuussutissarsiutinillu siuarsaaneq, nassuiaatit

Oqaasertaliussaq nr. 1-imut nassuiaatini oqaaseqatigiit tullinnguuttut peerniarneqarput:

"Oqaasertaliussaq AI2021-mit ingerlateqqitaavoq."

Uanngalu taarserneqarluni:

"Oqaasertaliussaq AI2021-mit iluarsineqarluni ingerlateqqitaavoq."

## Ilanngussaq 2, oqaasertaliussat kiisalu oqaasertaliussanut nassuiaatit

Nr. 169.

### Kontumut pingaarnermut, 64.10.33 Takornariaqarnermik aamma misigisaqartitsinissamut inuussutissarsiutinik ineriartortitsinerit

Kontumut pingaarnermut oqaasertaliussaq tassungalu nassuiaatit peerniarneqarput, konto pingarneq kontumut pingaarnermut, 64.10.32 Takornariaqarnermik ineriartortitsineq inuussutissarsiutinillu siuarsaaneq, nuunneqarnikummat matumani oqaaseqaatit allannguutissatut siunnersuummi matumani peerniarneqartut assingi ilanngunneqarsimallutik.

Nr. 170.

### Kontumut pingaarnermut, 64.20.12 Siulittaasuutitaqarnerup nalaanni suliniutissat 2020-2022

Oqartussaaffiup allanngortinneqarnerata kingunerisaanik konto pingarneq atorunnaarsinneqarmat kontumut pingaarnermut matumunnga oqaasertaliussat taakkunungalu nassuiaatit peerniarneqarput.

### Ineqarnermut, Attaveqaasersuutinut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq - Suliassaqarfik 66-67

Nr. 171.

### Kontumut pingaarnermut, 67.01.03 Geologi aamma nittarsaassinerit suliniutit

Kontumut pingaarnermut oqaasertaliussaq nr. 2-mi oqaaseqatigiit tullinnguuttut peerniarneqarput:

"Ukiumi aningaasanut inatsiseqarfiusumi aningaasaliissutit amerlanerpaamik 10%-ii nuunneqarsinnaapput."

Allannguutissatut siunnersuutip akuerineqarneratigit suliniutinik annertunerusunik suliaqarnissamut aningaasanik immikkoortitsinissamut periarfissaq pitsaanerulissaaq. Assersuutigalugu tassaasinnaavoq timmisartoq atorlugu kajungerisalinnik misissuineq (aeromagnetisk undersøgelse), siornatigit Kalaallit Nunaata Kitaani 13 mio. kr.-t missaannik aningaasartuutaasumik ingerlanneqarsimasoq.

### Kontumut pingaarnermut, 67.01.03 Geologiimut pilerisaarinermullu suliniutit, nassuiaatit

Oqaasertaliussaq nr. 2-mut nassuiaatini oqaaseqatigiit tullinnguuttut peerniarneqarput:

"Oqaasertaliussaq AI2021-mit ingerlateqqitaavoq."

Uanngalu taarserneqarluni:

## Ilanngussaq 2, oqaasertaliussat kiisalu oqaasertaliussanut nassuiaatit

"Oqaasertaliussaq AI2021-mit iluarsineqarluni ingerlateqqitaavoq."

### Ineqarnermut, Attaveqaasersuutitut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq - Suliassaqarfik 70-72

Nr. 172.

#### Kontumut pingaarnermut, 70.01.15 Ineqarnerup iluani periuutsumik misissuineq

Oqaasertaliussat uku ilanngunniarneqarput:

"Naalakkersuisut kontumi pingaarnermi matumani atuinikinnerussutinik ukiumut aningaasanut inatsiseqarfiusumut tullermut nuussinissamut piginnaatinneqarput."

#### Kontumut pingaarnermut, 70.01.15 Ineqarnerup iluani periuutsumik misissuineq, nassuiaatit

Oqaasertaliussanut nassuiaatit uku ilanngunniarneqarput:

"Aningaasaliissutit naapertuuttumik atorneqarnissaat qularnaarniarlugu Naalakkersuisut aningaasanik ukiumut aningaasanut inatsiseqarfiusumut tullermut nuussinissamut tunngavissaqarnissaat oqaasertaliussatigut qularnaarneqarpoq.

Oqaasertaliussaq nutaajuvoq."

Nr. 173.

#### Kontumut pingaarnermut, 72.20.08 Nalunaarasuartaatitigut attaveqaatit

Oqaasertaliussat uku ilanngunniarneqarput:

"Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaat nr. 31, 23. november 2017-imeersumi § 5 malillugu ingerlatsinissamut akuersissummik peqartoq nunami sumiiffinnit suliassaqarfimmu appasinnerusumik attaveqaasersuutitut aningaasartuuteqarfiusartunit isertitanik sumiiffinnut attaveqaasersuutitut qaffasinnerusumik aningaasartuuteqarfiusunut nuussinermikkut, IP-transit-imut aamma access-inut akigititanik nalimmassaasarnissamut pisussaaffilerneqarpoq. Akigititanik nalimmassaaneq annertuukkaanik ingerlataqartumi pissaaq."

#### Kontumut pingaarnermut, 72.20.08 Nalunaarasuartaatitigut attaveqaatit, nassuiaatit

Oqaasertaliussanut nassuiaatit uku ilanngunniarneqarput:

"Oqaasertaliussami siunertaavoq attaveqaasersuutininik nammaqatigiilluni ineriartortitsinerup aammalu internetikkut qarasaasiatigullu paasissutissanik kiffartuussinerimut akigititat atuutereersut ingerlaannarnissaasa qulakkeernissaa, taamaalilluni ingerlatsinissamut akuersissummik peqartoq (Tele Greenland A/S) ingerlatseqatigiiffimmi ingerlatsinikkut ingerlaavartumik

## Ilanngussaq 2, oqaasertaliussat kiisalu oqaasertaliussanut nassuiaatit

sunniuteqarnerulersitsiniarneranut ilanngullugu nunarput tamakkerlugu nunami namminermi nalunaarasuartaatinut attaveqaasersuutini ineriartortitsinermut aserfallatsaaliuinernullu aningaasaliinerit pisariaqartut pilersaarusiorsinnaassallugit ingerlassinnaassallugillu. Ingerlatsinissamut akuersissummik peqartoq sapinngisamik annertunerpaamik akigititanik atugassarititaasunillu assigiinnik neqerooruteqartassaaq, nalunaarasuartaatinut attaveqaasersuutit suut pilersuineranut atorneqarnersut apeqqutaatinnagu, taamaattoq sumiiffinnut satellitikkut pilersorneqartunut ilaatitsinnginnerit pisariaqartut atuutsillugit. Akigititanik nalimmassaaneq annertuukkaanik ingerlataqartumi pissaaq, taamaalilluni atuisartunut internetimik qarasaasiatigullu paasissutissanik kiffartuussinernik neqerooruteqartartut assigiinngitsut akornanni killilersugaanngitsumik naligiimmillu unammilleqatigiinneq ingerlaannassalluni.

2023-mi Inatsisartut upernaakkut ataatsimiinneranni Nalunaarasuartaatitigut atassuteqarneq nalunaarasuartaatitigullu kiffartuussinernit pillugit Inatsisartut inatsisaata iluarsanneqarneranut siunnersuut, nunami sumiiffinnit suliassa qarfimmu attaveqaasersuutitut appassisummik aningaasartuuteqarfiusartunit sumiiffinnut nalunaarasuartaateqarnermut suliassa qarfimmi ingerlatsinissamut akuersissummik peqarfiusuni qaffasinnerusunik attaveqaasersuutitut aningaasartuuteqarfiusartunit isertitanik nuussinissamut inatsimmi tunngavissamik imaqtussaaq, saqqummiunniarpaat. 2021-mut oqaasertaliussat 2021-mi oktoberimi ilassutitut aningaasaliissuteqartoqarneratigut akuerineqarput.

Oqaasertaliussaq nutaajuvoq.”

### Nunalerinermut, Imminut Pilersornermut, Nukissiutinut Avatangiisinullu Naalackersuisoq – Suliassa qarfik 73-77

Nr. 174.

#### Kontumut pingaarnermut, 73.04.08 Savaaqqanik toqoraavinnut il.il. kiffartuussinissamut isumaqatigiissut

Allannguutissatut siunnersuut manna aqqutigalugu oqaasertaliussaq iluarsineqartoq, allannguutissatut siunnersuummi nr. 62-imi AIS2022-p aappassaaneerneqarnissaanut akuerineqartoq peerniarneqarpoq tullinnguuttunillu taarserlugu. Allannguutissatut siunnersuummi oqaasertaliunneqartut, aappassaaneerinninnissamut allannguutissatut siunnersuummi ajoraluartumik iluarsineqarsimanngitsut iluarsineqarput.

”Nr. 2.

Naalackersuisut kontumi pingaarnermi matumani siunertarinqartunik suliassanik suliaqarnissamut avataanit suleqatigisassanik ukiunut arlalinnut isumaqatigiissusiornissamut piginnaatinneqarput. Isumaqatigiissusiortoqassappat naatsorsuutini kukkunersiukkanik imaluunniit sulinissamut pilersaarummik tamakkiisunik peqartoqarnissaa matumani piumasagaataavoq. Pisuni taakkunani marluusuni atortussat siulersut aamma piginnittut pillugit paasissutissanik

## Ilanngussaq 2, oqaasertaliussat kiisalu oqaasertaliussanut nassuiaatit

pissarsiarineqarsinnaasunik imaqqassapput. Isumaqatigiissutaasuni aningaasaliissutaasut tamarmiusut sipporneqassanngillat, ukiullu missingersuusiorfiusut sunnerneqaqqusaanatik."

### Kontumut pingaarnermut, 73.04.08 Savaaqqanik toqoraavinnut il.il. kiffartuussinissamut isumaqatigiissut, nassuiaatit

Kontumut pingaarnermut matumunnga oqaasertaliussamut nr. 2-mut nassuiaatit AIS2022-p aappasaaneerneqarnissaanut allannguutissatut siunnersuummi nr. 62-imi akuerineqartut peerniarneqarput tullinnguuttunillu taarserlugit:

#### "Nr. 2.

Tunitsivinnut tapiissuteqartarnek pillugu isumaqatigiissutinut tunngatillugu Naalakkersuisut suliamik suliarinninnissaannut naatsorsuutinik imaluunniit sulinissamut pilersaarummik tamakkiisunik peqarnissaa isumaqatigiissuteqarnissamut immikkut ittumik piumasaqaataavoq. Taakku saniatigut siulersuisut piginnittullu pillugit paasissutissat pissarsiarineqarsinnaasut tamarmik ilanngunneqassapput. Isumaqatigiissut ingerlatsiinnarnissamut aamma piffissap isumaqatigiissuteqarfiusup qaangiunnerata kingorna ingerlatsiinnarnissamut qanoq annertutigisumik tunngaviliinersoq nalilersorneqarsinnaassaaq.

Oqaasertaliussat AI2021-mit iluarsineqarlutik ingerlateqqitaapput."